

Debi na matrimonionan fracasa

HOPI MUCHA SIN CALOR DI UN FAMILIA

ORANJESTAD (AAN): Den nos comunidad tin muchanan cu ta victimanan inocente di matrimonionan fracasá, concubinationan desequilibrá, abandono di mayoman of un di e mayornan y problemanan di bida en general den cual nan no tin arte ni parte.

E muchanan aki, un parti chiquito ta worde recoge pa instancianan di cuidu social y nan ta ser interná den e poco institutonan cu nos conoce aki na Aruba, un parti grandi

desconoci, ainda ta hibando un bida careciendo di cariño, cuidu y gúfa adecuado.

E parti grandi aki no ta worde yuda pa motibo cu e mayoman no ta acerca e instancianan concerni manera servicio di cuidu social, bienestar social y voogdijraad.

Pero den caso cu tur e mayornan cu problemanan di bida acerca e instancianan aki, atrobe lo surgi otro problema serio, pa motibo lo no tin suficiente institutonan pa interna tur e muchanan aki, of mas bien no tin espacio den e

institutonan actual, cu ta brinda facilidad pa interna e muchanan, cualnan ta entre otro Casa Cuna y Imeldahof. Conclusion, un problema grave cu ta menasa nos hubentud pa

falta di planificacion di gobemantenan.

Un di e institutonan cu ta brinda hospitalidad na muchanan desampará aki ta Imeldahof.

Imeldahof a ser fundá pa e orden di Zusters van Bethanie y originalmente tabata yama stichting bethanie n.a., na aña

1976 e nomber a worde cambia pa stichting kinderhuis imeldahof. E stichting tin capacidad pa 56 mucha, variando pa mucha muhe di 6 pa 18 aña y pa mucha homber di 6 pa 14 aña.

Pues ora e mucha muhe alcanza e edad di 18 aña e tin cu bandona e stichting mientras pa mucha homber e edad ta 14 aña. Na aña 1990 e zusternan

di bethanie a pasa e edificio nan y tereno como propiedad na e stichting kinderhuis imeldahof. E muchanan tur ta bishita schoolnan afor y e transportacion ta tuma lugar cu busnan chiquito di 12-15 pasahero y tambe un stationwagon, cualnan ta ser maneha pa e propio leidsternan.

Unavez bek for di school, tin actividadnan pa formacion general pa e muchanan, manera boetseren, ballet, folklore, musica etc. y tambe actividadnan di deporte, e.o. judo, baseball, softball, landamento etc.

E muchanan ta worde estimulá pa integra den gruponan di afor local, manera diverso clubnan local. Lotto pa deporte ta

sponsor hopi na material di deporte, mientras UNOCA esta union pa organisacion cultural arubano, ta financia formacion general di e muchanan.

E medionan pa maneha e stichting ta masha marginal, pasobra gobierno ta paga solamente Afl. 9.50 pa dia pa cada mucha y desde december 1987 e suma aki no a ser aumentá. Por menciona cu e stichting ta hayando si donacion local manera paña etc. pero tambe tin hende cu ta duna paña, cualnan ta manchá, poco kibra of ya hopi usa, cualnan naturalmente e muchanan no por usa.

Locual ta un necesidad grandi aki na aruba ta un pleeggèzin centrale, caminda famianan por inscribi pa nan por tuma un mucha pa nan cuida y dune e educacion y gúfa necesario, asina e mucha por lanta den un ambiente familiar, cu mas calor y

cariño cual ta diferenció cu bida den un stichting.

Tambe mester di mas guiadoman di familia esta sociale werkers of werksters, mas bien personanan cu experiencia di bida, pasobra esaki ta un trabao duro, exigente y cu conocimiento di problemanan familiar.

Actualmente solamente un guiador di familia tin, kende ta traha mita tempo na imeldahof y mita tempo na casa cuna,

algo INCREIBLE.

E actual directrice di imeldahof cu kende DIARIO a combersa ta e dinamico sra. Ica Werleman kende tin dedicacion y satisfaccion den su tarea, pero alavez ta kere cu mester cu mester bini un opvangcentrum pa muchanan ora cu nan tin cu bandona imeldahof, pasobra hopi biaha e cos no ta sigui bon na cas pa falta di e situacion familiar of tin biaha no tin e lugar caminda e mucha por regresa.